



TRÁMITE DE CONSULTAS NO PROCEDEMENTO DE AVALIACIÓN AMBIENTAL ESTRATÉXICA SIMPLIFICADA

Nome do plan: Instrumento de ordenación provisional do concello de Vigo

Promotor e órgano substantivo: Concello de Vigo

Expediente: 2017AAE2090

Código web: 1990/2017

O día 17.08.2017 recibíuse no rexistro da Consellería de Medio Ambiente e Ordenación do Territorio un escrito do Concello de Vigo no que solicita iniciar a avaliación ambiental estratéxica simplificada do “Instrumento de ordenación provisional do concello de Vigo”. Achega un documento ambiental estratéxico e un borrador da ordenación provisional, ambos en formato dixital con sinatura electrónica.

Unha vez avaliada a documentación presentada e considerando que:

- 1 A Lei 2/2017, do 8 de febreiro, de medidas fiscais, administrativas e de ordenación, regula no seu título IV medidas provisionais de ordenación urbanística.
- 2 O 26.07.2017 o Pleno do Concello de Vigo acordou aprobar o *Estudo das medidas provisionais de ordenación* previsto no artigo 88 da devandita Lei 2/2017 do 8 de febreiro. O dito Estudo fora informado previamente o 14.06.17 por este órgano ambiental en relación á tramitación ambiental que debía realizarse para aprobar o instrumento de ordenación provisional.
- 3 A Lei 2/2017 regula no seu artigo 93 a tramitación a seguir para a aprobación da ordenación provisional, establecendo no punto 2.b) que o órgano ambiental formulará o informe ambiental estratéxico tras consultar as administracións públicas afectadas e as persoas interesadas por un prazo máximo de un mes. Se ben, esta Dirección Xeral decidiu estender as consultas ao público en xeral co obxecto de favorecer a transparencia da tramitación e a participación cidadá, ao abeiro do artigo 83.1 da Lei 39/2015, do 1 de outubro, do procedemento administrativo común das administracións públicas.
- 4 A Dirección Xeral de Calidade Ambiental e Cambio Climático é o órgano ambiental competente para tramitar os procedementos administrativos en materia de avaliación dos efectos de determinados plans e programas no ambiente, segundo o Decreto 167/2015, do 13 de novembro, polo que se establece a estrutura orgánica da actual Consellería de Medio Ambiente e Ordenación do Territorio.

ACÓRDASE:

Someter a consulta pública na sede electrónica deste órgano ambiental por un **prazo de 1 mes** o documento ambiental estratéxico e o borrador do ***Instrumento de ordenación provisional do concello de Vigo***.

As observacións e suxestións poderán ser formuladas por calquera das seguintes canles:

- A través do formulario informático habilitado na sede electrónica deste órgano ambiental (<http://www.cmaot.xunta.gal/programas-con-periodo-de-consulta-aberto>).
- A través do correo electrónico: avaliacion.ambiental.estratexica@xunta.gal
- Mediante fax remitido ao número 981 541 048.
- Mediante escrito presentado no rexistro administrativo da Consellería de Medio Ambiente e Ordenación do Territorio, situado en San Lázaro s/n, en Santiago de Compostela.



En calquera dos medios empregados deberá identificarse quen formula as observacións e suxestións (nome da unidade administrativa, ou nome do colectivo, ou nome e apelidos da persoa), facilitando tamén os datos de contacto.

O informe ambiental estratéxico que se formule tras o período de consultas farase público no *Diario Oficial de Galicia* e na sede electrónica (http://cmaot.xunta.gal/tema/c/CMAOT_Avaliacion_ambiental) da Consellería de Medio Ambiente e Ordenación do Territorio.

Santiago de Compostela, 23 de agosto de 2017